



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԷԿՈՆՈՄԻԿԱՅԻ ՆԱԽԱՐԱՐՈՒԹՅՈՒՆ  
ՆԱԽԱՐԱՐ  
Հ Ր Ա Մ Ա Ն**

ք. Երևան

« 18 » հունիս 2026թ N°1813-Ա

**ՀՅՈՒՐԱՆՈՑԱՅԻՆ ՏՆՏԵՍՈՒԹՅԱՆ ՕՐՅԵԿՏՆԵՐԻ ՀԱՄԱՊԱՏԱՍԽԱՆՈՒԹՅԱՆ  
ՄԱՍՆԱԳԻՏԱԿԱՆ ԳՆԱՀԱՏՄԱՆ ԸՆԹԱՑԱԿԱՐԳԸ ՀԱՍՏԱՏԵԼՈՒ ՄԱՍԻՆ**

Ղեկավարվելով «Զբոսաշրջության մասին» օրենքի 5-րդ հոդվածի 1-ին մասի 6-րդ կետով և Հայաստանի Հանրապետության վարչապետի 2019 թվականի հունիսի 1-ի N 658-Լ որոշման հավելվածի 18-րդ կետի 21-րդ ենթակետով՝

**Հ Ր Ա Մ Ա Յ Ո Ւ Մ Ե Մ**

1. Հաստատել հյուրանոցային տնտեսության օբյեկտների համապատասխանության մասնագիտական գնահատման ընթացակարգը՝ համաձայն հավելվածի:
2. Հայաստանի Հանրապետության էկոնոմիկայի նախարարության լրատվության և հասարակայնության հետ կապերի վարչությանը՝ 3-օրյա ժամկետում ապահովել սույն հրամանի տեղադրումը Հայաստանի Հանրապետության էկոնոմիկայի նախարարության պաշտոնական կայքէջում:

**X**

---

ԳԵՎՈՐԳ ՊԱՊՈՅԱՆ

ԸՆԹԱՑԱԿԱՐԳ  
ՀՅՈՒՐԱՆՈՑԱՅԻՆ ՏՆՏԵՍՈՒԹՅԱՆ ՕԲՅԵԿՏՆԵՐԻ ՀԱՄԱՊԱՏԱՍԽԱՆՈՒԹՅԱՆ  
ՄԱՍՆԱԳԻՏԱԿԱՆ ԳՆԱՀԱՏՄԱՆ

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն հավելվածով սահմանվում է «Զբոսաշրջության մասին» օրենքով և իրավական այլ ակտերով սահմանված նվազագույն պահանջներին ու չափորոշիչներին, ինչպես նաև զբոսաշրջության զարգացման պետական քաղաքականության առաջնահերթություններին՝ հյուրանոցների և առողջարանների կառուցման կամ վերակառուցման ներդրումային նախագծերի համապատասխանության մասնագիտական գնահատման ընթացակարգը:
2. Սույն հավելվածում օգտագործվում են հետևյալ հասկացությունները՝
  - 1) Օրենք՝ «Զբոսաշրջության մասին» օրենք.
  - 2) Հյուրանոց՝ Օրենքի 12-րդ հոդվածի 1-ին մասով նախատեսված հյուրանոցային տնտեսության օբյեկտ.
  - 3) Առողջարան՝ Օրենքի 12-րդ հոդվածի 4-րդ մասով նախատեսված հյուրանոցային տնտեսության օբյեկտ.
  - 4) Ներդրումային նախագիծ՝ հյուրանոցի կամ առողջարանի կառուցման կամ վերակառուցման ծրագիր.
  - 5) Կոմիտե՝ Հայաստանի Հանրապետության էկոնոմիկայի նախարարության զբոսաշրջության կոմիտե.
  - 6) Հայտ՝ Հայաստանի Հանրապետության կառավարության 2020 թվականի մարտի 26-ի N 355-Լ որոշման N 1 հավելվածի 6.1-ին կետով սահմանված հայտը՝ կից ներդրումային նախագծով և դրա գնահատման համար հիմք հանդիսացող փաստաթղթերով.
  - 7) Հայտատու՝ Հայաստանի Հանրապետության կառավարության 2020 թվականի մարտի 26-ի N 355-Լ որոշման N 1 հավելվածի 6.1-ին կետով սահմանված ֆինանսական կազմակերպություն:

## 2. ՆԵՐԴՐՈՒՄԱՅԻՆ ՆԱԽԱԳԾԻ ՀԱՄԱՐ ՊԱՀԱՆՋՆԵՐ

3. Ներդրումային նախագիծը պետք է իրականացվի և հյուրանոցը կամ առողջարանը պետք է կառուցվի կամ վերակառուցվի Հայաստանի Հանրապետության մարզերում (բացառությամբ Երևան քաղաքի):
4. Ներդրումային նախագիծը պետք է ներառի տեղեկատվություն կառուցվող կամ վերակառուցվող հյուրանոցային տնտեսության օբյեկտի (հյուրանոցի կամ առողջարանի) գործունեության՝ Օրենքի 12-րդ հոդվածի 1-ին կամ 4-րդ մասերին և Օրենքից բխող ենթաօրենսդրական նորմատիվ իրավական ակտերով սահմանված հյուրանոցային ծառայություններին և հյուրանոցային ծառայություն մատուցող անձանց վերաբերելի պահանջներին համապատասխանության մասին:
5. Ներդրումային նախագիծը պետք է ներառի տեղեկատվություն նախատեսվող ծառայությունների՝ հյուրանոցային ծառայությունների, այդ թվում՝ նվազագույն հյուրանոցային ծառայությունների մասին:

## 3. ՄԱՍՆԱԳԻՏԱԿԱՆ ԳՆԱՀԱՏՄԱՆ ԵԶՐԱԿԱՑՈՒԹՅԱՆ ՏՐԱՄԱԴՐՈՒՄԸ

6. Հայտը սույն հավելվածով սահմանված պահանջներին համապատասխանելու դեպքում Կոմիտեն Հայաստանի Հանրապետության կառավարության 2020 թվականի մարտի 26-ի N 355-Լ որոշման N 1 հավելվածի 6.2-րդ կետով սահմանված ժամկետում տրամադրում է սույն հավելվածի ձևին համապատասխան եզրակացություն:
7. Հայտատուի ներկայացրած հայտը Կոմիտեում մուտքագրվելուց հետո, թերի լինելու դեպքում, 3 (երեք) աշխատանքային օրվա ընթացքում դրա մասին էլեկտրոնային կամ կապի այլ միջոցներով տեղեկացվում է Հայտատուին:
8. Հայտատուն հայտը և դրան կից ներկայացվող փաստաթղթերը թերի լինելու կամ կից փաստաթղթերում թերությունների մասին տեղեկացում ստանալու դեպքում մինչև 3 (երեք) աշխատանքային օրվա ընթացքում կարող է համալրել դրանք:
9. Հայտը մերժվում է, եթե հայտը և դրան կից ներկայացվող փաստաթղթերը թերի են, և 3 (երեք) աշխատանքային օրվա ընթացքում Հայտատուն չի վերացնում

հայտում կամ դրան կից փաստաթղթերում առկա թերությունները կամ չի ներկայացնում համալրված փաստաթղթերը:

10. Հյուրանոցի կամ առողջարանի վերակառուցման ծրագրի վերաբերյալ հայտն ուսումնասիրելիս Կոմիտեն առաջնորդվում է notify.tourism.gov.am հարթակում հյուրանոցը կամ առողջարանը շահագործող անձի կողմից իր գործունեության համար «Գործունեության իրականացման ծանուցման մասին» օրենքով սահմանված կարգով ծանուցված լինելու հանգամանքով:
11. Հյուրանոցի կամ առողջարանի կառուցման ծրագրի վերաբերյալ հայտն ուսումնասիրելիս Զբոսաշրջության կոմիտեն առաջնորդվում է notify.tourism.gov.am հարթակում հյուրանոցը կամ առողջարանը շահագործող անձի կողմից հյուրանոցային ծառայությունների մատուցումից առաջ իր գործունեության համար «Գործունեության իրականացման ծանուցման մասին» օրենքով սահմանված կարգով ծանուցելու հանձնառությամբ:

ԵԶՐԱԿԱՑՈՒԹՅՈՒՆ N \_\_\_\_

\_\_\_\_\_  
ՏՆՏԵՍՈՒԹՅԱՆ ՕԲՅԵԿՏԻ (ՀՅՈՒՐԱՆՈՑԻ ԿԱՄ ԱՌՈՂՋԱՐԱՆԻ) ԿԱՌՈՒՑՄԱՆ ԿԱՄ  
ՎԵՐԱԿԱՌՈՒՑՄԱՆ ՆԵՐԴՐՈՒՄԱՅԻՆ ԾՐԱԳՐԻ՝ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԷԿՈՆՈՄԻԿԱՅԻ ՆԱԽԱՐԱՐԻ 2026 ԹՎԱԿԱՆԻ ՀՈՒՆԻՍԻ \_\_-Ի N \_\_-Լ ՀՐԱՄԱՆԻՆ  
ՀԱՄԱՊԱՏԱՍԽԱՆՈՒԹՅԱՆ ՄԱՍՆԱԳԻՏԱԿԱՆ ԳՆԱՀԱՏՄԱՆ

« \_\_\_\_\_ » « \_\_\_\_\_ » 20 \_\_\_\_ թ.

-ի

Ներդրումային ծրագիրը ներկայացնող կազմակերպության անվանումը

-ի

Հյուրանոցային տնտեսության օբյեկտի կամ ներդրումային ծրագրի անվանումը

կառուցման /վերակառուցման ներդրումային ծրագիրը՝ համապատասխանում է/չի  
համապատասխանում Հայաստանի Հանրապետության էկոնոմիկայի նախարարի 2026  
թվականի հունիսի \_\_-ի N \_\_-Ա հրամանով սահմանված պահանջներին:

ՀՀ ԷՆ գրոսաշրջության  
կոմիտեի նախագահ՝

անուն-ազգանուն, ստորագրություն

« \_\_\_\_\_ » « \_\_\_\_\_ » 20 \_\_\_\_ թ.